

UNIVERZITET U SARAJEVU - FARAMCEUTSKI FAKULTET

KOMISIJA ZA PROVOĐENJE POSTUPKA PRIJEMA U RADNI ODNOS

**POSLOVNIK O RADU
KOMISIJE ZA PROVOĐENJE POSTUPKA PRIJEMA U RADNI ODNOS**

Sarajevo, novembar 2024. godine

Na osnovu člana 8. stav (1) Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, broj: 19/21, 10/22, 28/23 i 32/24), te člana 15. Pravilnika o radu Univerziteta u Sarajevu, broj: 02-2-4-1/24 od 30. 01. 2024. godine, Komisija za provođenje postupka prijema u radni odnos na radno mjesto Stručni saradnik za javne nabavke u Službi za računovodstvo i finansije na Univerzitetu u Sarajevu – Farmaceutskom fakultetu imenovana Odlukom dekana Univerziteta u Sarajevu – Farmaceutskog fakulteta, broj: 0101-5765/24 od 11. 11. 2024. godine, *donosi*

POSLOVNIK O RADU KOMISIJE ZA PROVOĐENJE POSTUPKA PRIJEMA U RADNI ODNOS

I – OPĆE ODREDBE

Član 1.

(Predmet Poslovnika)

- (1) Ovim Poslovníkom se bliže uređuju način rada i odlučivanja Komisije za provođenje postupka prijema u radni odnos na Univerzitetu u Sarajevu – Farmaceutskom fakulteta (u daljem tekstu: Komisija), provođenje procedure izbora kandidata za prijem u radni odnos na neodređeno vrijeme za sljedeće radno mjesto: *Stručni saradnik za javne nabavke u Službi za računovodstvo i finansije na Univerzitetu u Sarajevu – Farmaceutskom fakultetu, 1 (jedan) izvršilac, puno radno vrijeme, na neodređeno vrijeme*, kao i druga pitanja koja su od značaja za rad Komisije, a sve u skladu sa relevantnim propisima iz oblasti rada i selekcije na radnim mjestima u javim ustanovama.
- (2) Izrazi koje se koriste u ovom Poslovníku a imaju rodno značenje koriste se neutralno i odnose se jednako na ženski i muški rod.

Član 2.

(Načela)

Rad Komisije se zasniva na načelima nezavisnosti, nepristrasnosti, javnosti i zakonitosti.

Član 3.

(Propisi)

- (1) Komisija provodi proceduru prijema u radni odnos na radno mjesto u skladu sa Zakonom o radu (“Službene novine Federacije BiH”, broj: 26/16, 89/18, 23/20 - odluka US, 49/21 - dr. zakon, 103/21 - dr. zakon, 44/22 i 39/24), Uredbom o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, broj: 19/21, 10/22, 28/23, 32/24; u daljem tekstu: Uredba o postupku prijema u radni odnos), Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevu, Gradu Sarajevu i općinama u Kantonu Sarajevo („Službene novine Kantona Sarajevo“, broj: 37/20, 27/21; u daljem tekstu: Uredba o jedinstvenim kriterijima i pravilima), Zakona o dopunskim pravima

boraca-branitelja BiH („Službene novine Kantona Sarajevo“, broj: 31/22 i 8/24) i Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, broj: 38/20, 28/21) i Pravilnikom o radu Univerziteta u Sarajevu.

- (2) U ovom postupku prijema u radni odnos na neodređeno vrijeme primjenjuje se Uredba o postupku prijema u radni odnos, te time sprovodi Odluka o Registru javnih oglasa za prijem u radni odnos u javnom sektoru Kantona Sarajevo („Službene novine Kantona Sarajevo, broj: 19/22, 24/22), odnosno primjenjuje važeća pravna regulativa.

Član 4. **(Javni oglas)**

Javni oglas objavljuje poslodavac u jednim dnevnim novinama (*Dnevni avaz*) koje se distribuiraju na teritoriji Federacije Bosne i Hercegovine, na internet stranici JU „Služba za zapošljavanje Kantona Sarajevo“ Sarajevo i na svojoj web stranici i to: www.ffsa.unsa.ba (Univerzitet u Sarajevu – Farmaceutski fakultet) i www.unsa.ba (Univerzitet u Sarajevu).

Član 5. **(Poslovník o radu)**

Komisija je obavezna donijeti poslovnik o radu i dostaviti odgovornom licu kod poslodavca odmah, a najkasnije u roku od tri dana od dana donošenja, a poslodavac je dužan poslovnik objaviti na svojoj web stranici i isti zadržati sve do okončanja konkursne procedure i donošenja odluke o prijemu u radni odnos.

Član 6. **(Sastav i konstituiranje Komisije)**

- (1) Komisija je sastavljena od 3 (tri) člana i u skladu sa članom 8. stav (2) Uredbe o postupku prijema u radni odnos, i ima neparan broj članova.
- (2) Administrativno tehničke poslove za Komisiju obavlja sekretar.
- (3) Konstituirajuću sjednicu Komisije saziva Dekanat Univerziteta u Sarajevu – Farmaceutskog fakulteta, na kojoj se većinom glasova bira predsjedavajući Komisije.
- (4) Na konstituirajućoj sjednici Komisija usvaja poslovnik o radu i utvrđuje pitanja, ispitne oblasti, lista propisa i literature.
- (5) Ukoliko predsjedavajući ili neki od članova Komisije bude najmanje dva puta uzastopno spriječen da prisustvuje sjednicama Komisije, odnosno spriječen da vrši svoju dužnost, predsjedavajući Komisije ili jedan od članova će odmah obavijestiti poslodavca, te se angažira zamjenski član Komisije.
- (6) Član Komisije je dužan čuvati službenu tajnu i druge povjerljive podatke koje sazna u obavljanju svoje dužnosti.

Član 7.
(Izuzete članova Komisije)

- (1) U skladu sa članom 10. Uredbe o postupku prijema u radni odnos, član Komisije će odmah ili najkasnije dva dana od dana saznanja za razloge izuzeća zatražiti izuzeće u Komisiji, ukoliko je srodnik nekog od prijavljenih kandidata u pravoj ili pobočnoj liniji do četvrtog stepena i u tazbinskoj liniji do drugog stepena, bračni ili vanbračni partner, usvojilac ili usvojenik.
- (2) Po zahtjevu za izuzeće iz stava (1) ovog člana poslodavac donosi odluku najkasnije u roku od tri dana od dana podnošenja zahtjeva, a protiv ove odluke žalba nije dopuštena.

II – NADLEŽNOSTI I NAČIN RADA KOMISIJE

Član 8.
(Nadležnosti Komisije)

Komisija je u skladu sa Uredbom o postupku prijema u radni odnos, nadležna da:

- a) provede proceduru izbora kandidata,
- b) donese poslovnik o radu i dostavi ga odgovornom licu kod poslodavca odmah, a najkasnije u roku od tri dana od dana donošenja,
- c) definira pitanja po oblastima iz kojih će se izvršiti provjera znanja,
- d) definira način vrednovanja ispita, tako da će se pismeni ispit vrednovati sa 70% od ukupnog broja bodova (usmeni dio ispita nosi 30% od ukupnog broja bodova),
- e) utvrđuje ispitna pitanja i kriterije za usmeni ispit, intervju, na osnovu kojih će izvršiti bodovanje kandidata,
- f) pregleda sve pristigle prijave i dostavljene dokaze,
- g) utvrđuje ispravnost pristiglih prijava i dostavljenih dokaza,
- h) sastavi spisak kandidata između kojih se provodi izborni postupak,
- i) pismenim putem obavijesti kandidate čija dokumentacija nije ispravna da nisu na spisku kandidata između kojih se provodi izborni postupak, sa navođenjem razloga zašto pristigla prijava nije ispravna, uz mogućnost uvida u dostavljenu dokumentaciju, u roku od tri dana od dana prijema obavijesti,
- j) provede ispite u okviru izbornog procesa,
- k) izvrši bodovanje kandidata prema rezultatima postignutim na ispitima u okviru izbornog postupka i
- l) sačini listu uspješnih kandidata na osnovu utvrđenih bodova na usmenom i pismenom dijelu ispita i istu zajedno sa potpisanim zapisnicima o radu Komisije dostavi poslodavcu u roku od tri radna dana po okončanju usmenog dijela ispita.

Član 9.
(Mjesto zasjedanja Komisije)

Mjesto zasjedanja komisije je u prostorijama poslodavca, na adresi Zmaja od Bosne 8, Sarajevo.

Član 10.
(Način rada Komisije)

- (1) Komisija je u svom radu nezavisna.
- (2) Komisija zasjeda u punom sastavu prilikom provođenja konkursne procedure - otvaranje prijava, pregled i razmatranje dokumentacije, provođenje pismenog i usmenog dijela ispita, vrednovanja kandidata koji ostvaruju prioritet u zapošljavanju.
- (3) Komisija daje prijedlog odluke na osnovu ukupnog zbira bodova koji je ostvario kandidat nakon provedene kompletne konkursne procedure, te isti potpisuju predsjedavajući, članovi Komisije i sekretar.
- (4) Član Komisije može izdvojiti svoje mišljenje, ali je dužan isto pismeno obrazložiti.
- (5) Predsjedavajući otvara sjednicu i utvrđuje da li su ispunjeni uslovi za rad, odnosno da li su prisutni svi članovi Komisije.
- (6) Ukoliko nisu ispunjeni uslovi za rad iz stava (2) ovog člana, odredit će se novi termin održavanja sjednice Komisije u roku od 48 sati.
- (7) Dokumentacija Komisije u vezi sa provođenjem procedure izbora kandidata se čuva kod poslodavca u skladu sa pravilima o arhivskom i kancelarijskom poslovanju.

Član 11.
(Vođenje zapisnika)

- (1) O toku sjednice Komisije vodi se zapisnik.
- (2) Zapisnik sadrži datum, mjesto i vrijeme održavanja sjednice, osnovne podatke o toku sjednice, sažeto izlaganje, prijedloge i konstatacije, zaključke, rezultate bodovanja, te prijedlog odluke Komisije.
- (3) Predsjedavajući i član Komisije ima pravo dati primjedbe na zapisnik, te zahtijevati da njegova primjedba bude unesena u zapisnik.
- (4) Usvojeni zapisnik potpisuju predsjedavajući komisije, članovi i sekretar Komisije.

III – PROVOĐENJE PROCEDURE IZBORA KANDIDATA

Poglavlje A – Postupanje Komisije po pristiglim prijavama

Član 12.

(Razmatranje pristiglih prijava)

- (1) U skladu sa članom 11. stav (1) Uredbe o postupku prijema u radni odnos, po isteku roka za podnošenje prijava na javni oglas, Komisija pregleda sve pristigle prijave i dostavljene dokaze, utvrđuje njihovu ispravnost i sastavlja spisak kandidata među kojima se provodi izborni postupak.
- (2) Komisija u pravilu otvara i razmatra prijave na prvoj redovnoj sjednici Komisije.
- (3) Spisak kandidata koji čini sastavni dio zapisnika iz stava (1) ovog člana potpisuju svi članovi Komisije, u skladu sa članom 11. stav (2) Uredbe o postupku prijema u radni odnos.

Član 13.

(Utvrđivanje ispravnosti pristiglih prijava)

- (1) Ispravnom prijavom smatra se prijava koja je potpisana od strane podnosioca, uz koju su priloženi svi dokazi o ispunjavanju potrebnih uslova iz Pravilnika o unutrašnjoj organizaciji i sistematizaciji radnih mjesta na Farmaceutskom fakultetu Univerziteta u Sarajevu (pravni sljednik: Univerzitet u Sarajevu – Farmaceutski fakultet), te koja je podnesena u roku određenom u javnom oglasu za prijem u radni odnos.
- (2) Potrebni uslovi iz Pravilnika o unutrašnjoj organizaciji i sistematizaciji radnih mjesta na Farmaceutskog fakulteta Univerziteta u Sarajevu se naznačavaju u javnom oglasu za prijem u radni odnos, u skladu sa odredbom člana 7. tačka b) Uredbe o postupku prijema u radni odnos.

Član 14.

(Postupanje Komisije sa neispravnim prijavama)

U skladu sa članom 11. stav (3) Uredbe o postupku prijema u radni odnos, Komisija pismenim putem obavještava kandidate čija dokumentacija nije ispravna da nisu na spisku kandidata među kojima se provodi izborni postupak, sa navođenjem razloga zašto pristigla prijava nije ispravna, uz mogućnost uvida u dostavljenu dokumentaciju, u roku od tri dana od dana prijema obavijesti.

Poglavlje B – Definiranje pitanja po ispitnim oblastima i način provođenja ispita

Član 15.

(Pitanja, ispitne oblasti, lista propisa i literature)

- (1) Provjera kandidata prijavljenih na javni oglas za radno mjesto: ***Stručni saradnik za javne nabavke u Službi za računovodstvo i finansije na Univerzitetu u Sarajevu – Farmaceutskom fakultetu, 1 (jedan) izvršilac, puno radno vrijeme, na neodređeno vrijeme***, izvršiti će se po pitanjima iz oblasti koja će biti objavljena na web stranici poslodavca to: www.ffsa.unsa.ba (Univerzitet u Sarajevu – Farmaceutski fakultet) i www.unsa.ba (Univerzitet u Sarajevu) sa naznačenom listom propisa i literature (uključujući linkove kao elektronske izvore istih).
- (2) Pitanja, listu propisa i literature iz oblasti iz koje će se polagati usmeni i pismeni ispit poslodavac utvrđuje i objavljuje na svojoj web stranici prije raspisivanja javnog oglasa, u skladu sa članom 7. stav (4) Uredbe o postupku prijema u radni odnos.
- (3) Pitanja za pismeni ispit, listu propisa i literature iz oblasti iz koje će se polagati pismeni i usmeni ispit, kandidati mogu preuzeti kod poslodavca na oficijelnoj web stranici www.ffsa.unsa.ba (Univerzitet u Sarajevu – Farmaceutski fakultet) i www.unsa.ba (Univerzitet u Sarajevu).
- (4) Pitanja za pismeni ispit, listu propisa i literature iz oblasti iz koje će se polagati pismeni i usmeni ispit, kandidati mogu preuzeti i na Protokolu kod poslodavca Univerziteta u Sarajevu – Farmaceutskog fakulteta.
- (5) Provjera kandidata prijavljenih na javni oglas za radno mjesto ***Stručni saradnik za javne nabavke u Službi za računovodstvo i finansije na Univerzitetu u Sarajevu – Farmaceutskom fakultetu, 1 (jedan) izvršilac, puno radno vrijeme, na neodređeno vrijeme*** obaviti će se pismenim i usmenim putem.
- (6) Pitanja za pismeni ispit biti će ponuđena na način da imaju više odgovora od kojih je, samo jedan tačan.

Član 16.

(Provođenje ispita)

- (1) U skladu sa članom 12. Uredbe o postupku prijema u radni odnos, postupak izbora kandidata zasniva se na razmatranju dostavljene dokumentacije, održanom pismenom i usmenom ispitu sa svakim od kandidata za radno mjesto ***Stručni saradnik za javne nabavke u Službi za računovodstvo i finansije na Univerzitetu u Sarajevu – Farmaceutskom fakultetu, 1 (jedan) izvršilac, puno radno vrijeme, na neodređeno vrijeme***.
- (2) Komisija će o datumu, vremenu i mjestu održavanja postupka izbora obavijestiti kandidate putem web stranice www.ffsa.unsa.ba (Univerzitet u Sarajevu – Farmaceutski fakultet) i www.unsa.ba (Univerzitet u Sarajevu) nakon isteka roka za prijavu na javni oglas od 13. 11. 2024. godine (rok za prijavu na javni oglas je 10 (deset) dana, tj. do 23.

11. 2024. godine). O daljnjem procesu izbora kandidati se mogu obavijestiti putem web stranice, pismeno, usmeno, elektronski ili putem telefona.

Član 17.
(Način bodovanja)

- (1) Komisija vrši bodovanje za radno mjesto: ***Stručni saradnik za javne nabavke u Službi za računovodstvo i finansije na Univerzitetu u Sarajevu – Farmaceutskom fakultetu, 1 (jedan) izvršilac, puno radno vrijeme, na neodređeno vrijeme*** u skladu sa Uredbom o postupku prijema u radni odnos.
- (2) Komisija će vrednovati pismeni i usmeni ispit za radno mjesto ***Stručni saradnik za javne nabavke u Službi za računovodstvo i finansije na Univerzitetu u Sarajevu – Farmaceutskom fakultetu, 1 (jedan) izvršilac, puno radno vrijeme, na neodređeno vrijeme*** na sljedeći način:
 - a) pismeni ispit nosi 70 bodova (70% od ukupnog broja bodova) i
 - b) usmeni ispit nosi 30 bodova (30% od ukupnog broja bodova).
- (3) Pismeni dio ispita predviđen za radno mjesto ***Stručni saradnik za javne nabavke u Službi za računovodstvo i finansije na Univerzitetu u Sarajevu – Farmaceutskom fakultetu, 1 (jedan) izvršilac, puno radno vrijeme, na neodređeno vrijeme***, podrazumijeva test koji se sastoji od 35 pitanja. Svaki tačan odgovor na pitanje vrednuje se sa 2 boda.
- (4) Usmeni dio ispita predviđen za radno mjesto ***Stručni saradnik za javne nabavke u Službi za računovodstvo i finansije na Univerzitetu u Sarajevu – Farmaceutskom fakultetu, 1 (jedan) izvršilac, puno radno vrijeme, na neodređeno vrijeme***, sastoji se od najmanje tri pitanja. Komisija obavlja razgovor sa svakim kandidatom pojedinačno u vremenskom intervalu do 20 minuta. Svim kandidatima na usmenom ispitu postavljaju se pitanja istog ili sličnog sadržaja. Kandidati na usmenom ispitu se ocjenjuju na način da im svaki član Komisije dodjeli određen broj bodova od 0 (nula) do 10 (deset), po završenom usmenom dijelu ispita ostvareni bodovi se zbrajaju pri čemu isti ne mogu prelaziti ukupno 30 bodova u skladu sa stavom (2) tačka b) ovog člana.
- (5) Ukupan broj bodova se sastoji od zbira bodova sa pismenog i usmenog ispita, a ukoliko kandidat ostvaruje pravo prioriteta u zapošljavanju, u zavisnosti od pripadnosti branilačkoj populaciji, dodaju se i dodatni bodovi, tako da se na ukupan broj prethodno ostvarenih bodova sa pismenog i usmenog dijela ispita dodaje se postotak od istih, prema članu 6. Uredbe o jedinstvenim kriterijima i pravilima.

Član 18.
(Kriteriji za usmeni ispit, intervju)

- (1) Usmeni ispit se provodi prema sljedećima kriterijima, odnosno isti se sastoji o sljedećih pitanja:
 - a) opće osobine,
 - b) fleksibilnost,
 - c) motiviranost i entuzijazam,

- d) predznanje o poslu,
- e) sposobnost iznalaženja rješenja i
- f) dodatna znanja.

Član 19.

(Sačinjavanje liste uspješnih kandidata)

- (1) Komisija sačinjava Listu uspješnih kandidata na osnovu utvrđenih bodova na ispitu.
- (2) Lista uspješnih kandidata sa naznačenim ostvarenim bodovima sadrži i napomenu o kandidatima koji su dostavili dokumentaciju kojom dokazuju prioritet u zapošljavanju u skladu sa članom 19. Uredbe o postupku prijema u radni odnos.
- (3) Listu uspješnih kandidata sa bodovima iz stava (1) ovog člana Komisija dostavlja poslodavcu u roku od tri radna dana nakon obavljenog usmenog dijela ispita, u skladu sa članom 12. stav (6) Uredbe o postupku prijema u radni odnos.

IV – PRIJELAZNE I ZAVRŠNE ODREDBE

Član 20.

(Izmjene i dopune Poslovnika)

Izmjene i dopune ovog Poslovnika vrše se na način i u postupku propisanom za njegovo donošenje.

Član 21.

(Stupanje na snagu)

Ovaj Poslovnik stupa na snagu danom donošenja i objavit će se na web stranici Univerziteta u Sarajevu – Farmaceutskog fakulteta i Univerziteta u Sarajevu.

Broj: 0101-¹⁸⁰⁹...../24
Sarajevo, 12. 11. 2024. godine

Predsjedavajući Komisije:
Maja Skopljak, MA prava

Članovi Komisije:
Maida Bešlić, dipl. iur.
Berina Smajlović Doljančić, BA prava

Sekretar Komisije:
Ilhana Lekić, BA prava